



14222

kal komp.

III

Mag. St. Dr.

P

Lavoslavensis Coll. San. Jeshu. Leopardus Firlaiamus
semper illustris novum adornatus.

PANEG. et VITAE

Polon. Fol.

Nr. 264.

Biblioteka Jagiellońska



stdr0005504

LEOPARDVS
FIRLEIANVS

SEMPER ILLVSTRIS
NOVVM ADORNATVS

SEV

AMPLISSIMI AC VARII HONO-
res Illustriss: FIRLEIORVM
FAMILIÆ

IN

Illustrissimo ac Reuerendissimo Domino

D. HENRICO FIRLEY
EPISCOPO PREMISLIENSI
INAUGVRATO, CVMVLATI.

Et a

NOBILI IVENTVTE COLLEGII
IAROSLAVIENSIS SOCIET: IESV
in literas relati;

ac eidem Illustrissimo & Reuerendissimo Domino
debitæ obseruantia studio dedicati,

Sub primum eius & auspdatum in
suam Sedem ingressum.

IN STEMM A.



*Multa tuam variat species LEOPARDE figuram,
Mille tibi variant tergora picta note.
Sed decori variant, variantq; perennibus annis,
Namq; tuum est varium non variare decus.*


BIBLIOTHECA



UNIVERSITATIS

PAVLVS A SZTEMBERK KOSTKA.

ILLVSTRIS^{mo} AC REVERENDIS^{mo}
DOMINO,
D. HENRICO FIRLEY,
Dei & Apostolicæ Sedis Gratia
EPISCOPO PREMISLIENSI,
ABBATIAE TINECENSIS
ADMINISTRATORI,
Summo Regni REFERENDARIO.

 Ambiguum facit Tua dignitas amplissima, Illustriss: ac Reuerendiss: Domine, Tibine gratulandum sit, Pontificij honoris ornamenta ad Te diuinitus delata; an Premislie nobisq; adeo vniuersis quos in fidem ac tutelam Tibi noua hæc dignitatis accessio commendat. Tua hæc ad honores prolusio æternum est Premislie ornamentum, quæ futuris seculis inter suos Antistites FIRLEY M ad posteritatis memoriam gloriosa numerabit: Tibi neq; præter spem omnium & communes omnium voluntates, neq; ultra meritum accessit Honor, qui nisi maximus sit, Tuae dignitati par esse non potest. Quæ & quante sint animi Tui dotes, iam diu reputamus, qui etatem tuam intelligimus, sola virtutis ac dignitatis Tuae commendatione tam maturè ad Honores amplissimos vocari. Clarissimi generis ea est amplitudo, quam tot tantisq; Honoribus celestis beneficentia à multis retrò ante seculis propagat. Dicam id quod venerari quisq; iure debeat; FIRLEYORVM

esse nasci è Senatoribus, mori Senatores. Ita nemo est inter amplissimos FIRLEIANÆ Gentis Proceres, cui, si non inundit etas, fortuna inuiderit Honorem.

Claud. in
Paneg. de
Coss. Prob.
& Olibr.
Fratrum.

His, neque per dubium pender Fortuna pauorem,
Nec nouit mutare vices, sed fixus in omnes
Cognatos procedit Honos. quemcunque requires.
Hac de stirpe virum; certum est de Consule nasci.
Per fasces memorantur aui, semperque renata
Nobilitate virent, & prolem fata sequuntur.

Liceat enim mihi, id quod olim Fratribus, Romanis
Coss. laudator Poëta dedit, in Te, Tuamq; semper Illu-
strem Familiam verius deriuare. Peregrinus Honor
& hospes alibi, domesticus est FIRLEIIS, quibus ita
se communem fecit, ut hæredes filij, non bonorum mi-
nus quam Honorum, Parentibus nascantur. Sed quod
illustre est in primis, & FIRLEIIS proprium, non v-
nius tantum aut alterius Honoris dignitatem posteritas
ducit è parentibus, emulatione domestica Sanguinis:
omnes qui in Rep. clarissimi sunt Honores, pari varie-
tate atq; amplitudine velut in sedem domesticam con-
currunt ad FIRLEIOS, quibus pulcherrima Gentili-
cij Leopardi varietas ad eam dignitatis speciem prolus-
sisse videtur. Atq; hanc felicissimam FIRLEIANÆ
Domus varietatem nobis ante oculos propositam volu-
mus, quibus Te cariorem esse necesse fuerit, ipsâ esti-
matione, tantæ tamq; variae dignitatis. Gratulandi
officium ad conspectum & admirationem Tuae amplitu-
dinis transferri, non inuitus feres. Tibi hæc studia in
Te nostra, atq; hanc pietatem deberi volumus, eamq;
perpetuū obseruantie monumentum Tibi consecramus.

NICOLAUS FARVREY.

A D
ILLVSTRISSIMVM DOMINVM,
D. NICOLAVM FIRLEY,
Castellanum Woynicensem,
&c. &c.

ET Tibi FIRLEIÆ lux illustrissima Gentis
Alludit paruo nostra Thalia choro.
Accipe FIRLEIOS, non aspernatus honores.
Inque Tuo patrium Præsule, lumen ama.
Ipsa TVOS vult Musa sinus, secura repulsæ.
FIRLEIAM meminit se coluisse DOMVM.

FELIX PRZYRKOWSKI.

Argumentum totius Operis.

Russia pacata felicitatem suam mittit sciscitatum, cui sedes Pontificia Premisliæ fatis debeatur. Pergit illa in Regiam Honoris sanè lucidam & illustrem; ubi altera ex parte Mnemosyne Honori relegit merita Illustrium virorum, & in his Illustrissimi Antistitis: ex altera Perennitas Honoratos Procere fastis solennibus inscriptos, atq; interea FIRLEIOS canit, quorum varios & amplissimos Honores evoluit. Allatam inde è laboris officina Pontificiam tiaram Fortuna, Nobilitas, Virtus & Gratia, (senatus Honoris) HENRICO FIRLEIO deferendam decernunt. Simul tiara mittitur per Aquilam, simul novus Antistes refertur in Fastos Perennitatis. Dignitatem novam tanti Præsulis læta Russia complectitur.

LEOPARDVS FIRLEIANVS

SEMPER ILLVSTRIS

NOVVM HONORATVS

Russia ab incurſionibus Scytharum

libera, lætum agit otium, Pace, Copia, Lætitiæque
fido comitatu cincta.

Magna triumphales curru victore quadrigas
Rossia, neglectistandem laxarat habenis,
Barbaricæque manus toties à cæde cruentas,
Sparsaque crudeli sæua inter vulnera tabo
Brachia lympharum purâ lustrauerat vndâ.
Protinûs exulibus reduces è sedibus anni
Dilectis rediêre plagis, iterumque relicto
Æthere, felices gressum reuocauit in oras
Copia diues opum, pleno cui dextera cornu
Mellea montoso decurrere flumina Sano
Virgineisq; dedit Cererem flauescere pratis;
Et quæ, sepositis, longè placabilis, armis,
Sæua verecundo compescit fulmina nutu,
Pax ignara doli, dubio prognata Gradiuo;
Et cui virgineis hilarescit florida malis
Purpura, gemmantesque inflammant gaudia vultus
Lætitia, irato facilis dispellere cœlo
Nubila, germanumque polo reuocare serenum.
Iam secura sui, gratoque animosa Dearum
Obsequio, mæstis induxerat otia curis
Mater & antiquum versabat lætior annum
Ludebatque dies, Spemque in sua vota trahebat.

HIERONYMVS ORZECOWSKI.

Postuorta Dei internuntia Russiam

certiorem facit magnum illi decus destinari cælitus
quod Premissia acceptura sit.

INterea celeri nubes Postuorta volatu
Sulcabat, niueisque viam properabat ab astris.
Affuit, & tenero vultum iucundior ævo
Læta puellari frenabat nuncia risu,
His affata Deam: Nunc ô sæcunda bonarum
Mater opum, generosa viris, virtutis auitæ
Sedula, depositis succumbere nescia Fatis,
Quam coniuratis nunquam furor hosticus armis
Totaque barbarico rabies densata manûplo
Quassatam potuit supremo impellere letho;
Accumulant pleno tibi gaudia læta fauore
Clementes Superi: magno lux inclyta cultu
Fortunata tuis despondet lumina terris.
Illi magnorum sublime à stirpe Parentum
Illustrat Fortuna genus: Natura labori
Palladio facilem pura in præcordia mentem
Indidit: augusto Sapientia culta paratu
Gentiles cumulauit opes. ast æmula pulchri
Sanguinis, heroës Virtus accendit honores,
Cognatisque auxit cælestia pignora donis.
Regali non parca manu. Premissia tantum
Excipiet generosa decus. sic certa futuri
Iussa canunt: stat perpetuis sententia fatis.

IOANNES à Zmigrod STADNICKI.

Russia, accepto à Postuortâ nuntio,

magnum suæ Premissia accessurum decus, intueri
promissam dignitatem cupit.

Dixerat, & subitis obtutu euanuit alis,
Æthereas inuecta plagas, patrijsque recepta
Sedibus. Illa auidis incognita gaudia votis
Læta capit, tantiue adeo iam plena sereni
Proxima continuâ versat solatia curâ.
Iamque oculis haurire libet, quæ tanta secundus
Fortunet promissa polus, cui læta benigno
Arrisit tantum cœli clementia vultu,
Quem facilis dilexit Honos, cui lucida ceris
Nobilibus seruat viduos Premissia cultus.

NICOLAUS STAWSKI.

In Regiam Honoris Russia felicita-
tem suam mittit sciscitatum quodnam fata
Premissia promittant decus.

Ilicet æternam comitem, cui prona reclinat
Omnigenum Fortuna decus, natumque iubentis
Officio venerata, vagos submittit honores;
His affata monet. Nostri o fidissima custos
Imperij, si te patriæ felicia terræ
Secula, iuratiue oblectant gaudia regni;
I, pete cognatos aditus, vbi regia cultus
Cæsareos magno moles attollit HONORI
Augustamque domum (nam te regalia nörunt
Limina) diuinis que intro succede penates,
Quid superum promissa ferant, quid læta secudent
Omina, quod tantum nostræ decus additur oræ,
Cui mea sollicita moerens Premissia curâ
Despondet longis dudum sua pignora votis,
Disce, ait, & nostris felix reditura colonis,
Imple tantarum prænuntia gaudia rerum.

IACOBUS POPŁAWSKI.

Felicitas

*Felicitas Russia in Regiam Honoris maturo peruenit
volatu.*

A Vdijt; & faciles per gemmea rura volatus
Ire dedit; cœloque viam commisit aperto.
Ceruleæ subeunt alis felicibus auræ,
Sydoniumque peplum, capitisque insignia circum,
Fluentesq; comas, chlamydemque assultibus implent.
Ipse leues vltro Reginae accommodat alas
Africus, & dominâ gestit clarescere pennâ.
Quâ liquidas molli cursu discriminat oras;
Arridet tellus; blandisque accedit euntem
Luminibus, festoque pium dat germine plausum.
Nereis effuso latè spatiata recurso,
Si qua superiectos suspexit ab æquore gressus;
Aurea deflexo longè vestigia Ponto,
Atque altas humili veneratur gurgite plantas.
Illa volans, celeres leni præuertitur Euros
Officio, tacitisque viâ defungitur, alis,
Donec maturo cœlos emensa volatu,
Attigit æterno ferrata palatia muro,
Magnificas arces: ubi pulchro regia sceptro
Maestas, altum latè fortunat Honorem.

ALEXANDER CZANOLASKI.

*In Olympo montium pulcherrimo & amœnissimo Regia
Honorû consistit.*

D Eucalioneo præter vastata profundo
Culmina, (marmoreos ubi ferrea secula partus,
Demirata nouo nasci vidêre Tyranno.)
Nubigenas inter colles, regnator Olympus
Attolit sublime caput; cœloque propinquus
Inferit, & rutilis audax confæderat astris.
Perpetuos Soles, & in eluctabile lumen
Seruat inoffenso duris Aquilonibus æuo;

B

Indo-

Indocilis mœrere Notis, & tristia Cauri
Flagra pati. gemit ipse graui depressus Olympo
Æolus, & vanas nequicquam immurmurat iras.
Pulchra per augustum latè spatiata cacumen
Planities, victrix Peneos despicit agros,
Æthereas mentita plagas. nam lege perenni
Perpetuant lætos nunquam morientibus hortis
Astra dies. floret brumali ignota pruinæ
Mitis humus, tutoque nitens innoxia cultu
Nectit honoratos æternis floribus annos.

GABRIEL BORATYNSKI.

Honoris palatium gemmis structum, totumq; planè lucidum regio splendescit cultu.

Hic superimposito sublimis Regia muro
Æmula fidereis ostentat pèrgama templis.
Et puduit celsisse polis. attollit in orbem
Arduus augusto vertex fastigia tecto.
Qualia Phœbeis habitata palatia flammis
Aurea deducunt rutilo penetralia gyro.
Assurgit gemmis paries, colludit in auro
Gemina frequens, laterumque vicem subit aurea gleba
Gemmarum distincta toris. quas vndique diues
Legit HONOS. seu quæ rubeas in viscera lymphas
Ebibit agnati patrio de gurgite Ponti.
Seu quas Memnoniâ felix Garamantis in vndâ
Despicit, aut medijs Indus proculcat arenis.
Et quas impatiens oneris, cupidusque diurnas
Accelerare vias, leuibus permiserat auris
Cynthius. hic leni iaculatur sidere flammæ
Cælorum simulatus honor, cui cærulea pingit
Forma decus, totoque elidit nubila regno;
Inducitque dies, & amœnâ luce serenat.
Auratos inter laquearia fixa planetas,

Rident

Rident stelligeri regalia lumina mundi,
 Delius artifice radiatus tempora flammâ,
 Non occasuros iaculatur tutior ignes
 Illi florentes amethystia purpura vultus,
 Et croceo rutilas depingit murice malas:
 In roseis nitidum labris carbunculus aurum
 Eludit: frontem dubio discriminat arcu
 Sapphyrus: geminis oculi risere pyropis:
 Aurea Chrysolitis vernat coma. Proxima Phoebe
 Implet Hydaspeis pretiosum cornibus orbem,
 Non impar frenare suis nocturna lupatis
 Sidera, fraternoque vices obtendere sceptro.
 Æquales calcantur opes. nec marmora tantum
 Sufficiunt implere decus. prostratus iaspis,
 Synadias totâ crustas eliminat aulâ:
 Solus honoratæ cupidus vestigia plantæ
 Submisso portare iugo, licet inuida, passim,
 Optatis pretium sternant conchylia terris.
 Ducta per augustos ventis illæsa penates
 Laureæ, gemmantes simulato palmitè ramos
 Explicat; & læto foliorum intexit amictu.
 Pendula Virgineis ditescit bacca smaragdis.
 Nec foliis imbellè decus. nec mollibus arbor
 Turget vana comis. Virtus operosa liquatum
 Fecerat, arboreis pretium frondescere gemmis.

FLORIANVS TARNAWIECKI.

*Regiæ Honoris ianue præsidet Diuina Themis: quæ
 inuitâ, nemini patet accessus intro.*

AST vbi regales surgunt à limine postes,
 Ferrato solidata rigent adamante metalla
 Bronteâ firmata manu: quibus ardua nectit
 Claustra chalib, arcetque aditu, neque peruius vltro
 Incustoditas aperit sine iudice portas.

B 2

Seruat

Seruat adoratam metuendis Regibus arcem
Venturi præfaga Themis : quæ sola Tonantis
Concilijs adscripta , sacri conclaue Senatus
Iure subit : rerumque vices , legesque futuri
Voluit , & exscriptis metitur secula fatis.
Quosque superbificæ recipi penetralibus aulæ
Clementi iussit Diuûm sententia voto ,
Illa vocat , concors superis , aperitque secundis
Ominibus , nullo violatos robore postes.
Luctantesque trahit , magnisque inuitat Honoris
Pignoribus , dubiosque viæ comitatur , & vltro
Immensas recludit opes : quos iussa Tonantis
Arceri voluere , vetat. Stat cardine fixo
Ianua , nec longis pulsata repagula votis ,
Auriferæque manus , mellitaque verba Clientum
Armataque preces , iurataque fulmina tangunt.

PETRVS POLANSKI

*Multi aduigilant regali ianua , qui honoris beneuo-
lentiam ac beneficentiam aucupantur.*

Aduigilat numerosa cohors , supplexque fatigat
Excubijs duros aditus : Hic floridus annis
Nondum ferratos lassus percellere postes.
Vota spei committit amans. Hic lubricus æui ,
Inter defessæ fastidia lenta senectæ ,
Pergit adhuc tentare vias : vitæque labantis
Canam segnitiei maturo impellere letho.
Vagitu quatit ille fores : lacrymisque precatus
Obijcit augustis inhonora crepundia portis.
Non ea tam latè vigilatis anxia curis
Ambitio , totum sceptris regalibus orbem
Compulit in leges , auida que tyrannide prepsit.
Necdum pulsa tuis sincera Polonia terris ,
Illa verecundos laudata Modestia cultus

Exulat ;

Exulat; at posito longe gratissima fastu,
Viuit adhuc dilecta Lechis: quos liuida nunquam
Vicino potuit ridere Superbia vultu.
Scilicet ille vigor Piaſtæo cognitus æuo
Venari renuit: virtute exæquat honores,
Promeritisque decus non ambitione tuetur.

IOANNES ZAKRZEWSKI.

Labor sedulus Honoris insignia elaborat; scepra, coronas, mitras, tiaras, trabeas, aliæque id genus meritorum decora.

A Tria gemmato circum vallata metallo
Artifices cinxere fori: quæis plurima latè
Exantlat longum vigili manus arte laborem.
Hic clari fascès, fortunataque coronæ
Et rutilo crescunt diademata fulgida nexu
Hic picturatum trabeis radiantibus aurum
Nectitur, & pulchro chlamys ignea feruet in ostro.
Lætæque Sydonijs variantur balthea nodis:
Et bifidæ vernant pretiosa in luce tiaræ.
Heroum maturat opus Labor. ille recludit
Tempus, & obſtriçtis exterminat otia curis.
Approperat sociata cohors, seseque vicissim
Hortatur. liquido trepidum lebetè metallum
Feruet: & ignitis fumant pretiosa caminis
Nubila. spumanti deducitur aureus igni
Alueus: agnatum gemmata monilia rorem
Confundunt pretio: pretium confunditur arti.

IOANNES ZDZANSKI.

Honor pulcherrimus throno insidet regali: circum undique effundit lucem: coram deposita insignia cernuntur.

A S T vbi præcipuo radiantia lumina cultu
Internos texere Lares; atque æmula veri
Ætheris, augustos sparserunt astra penates.

Sublimis folio ; propriaque in luce verendus
 Degit HONOS, ipsisq; illustrior emicat astris.
 Qualis flammium Titan connixus Eoo
 Postquam stelligeri super ardua terga Leonis
 Inuexit currum, coelo, mediusque resedit;
 Supremo vibrat flammis pulcherrimus axe:
 Euincitque diem, lucemque in luce fatigat,
 Imbuit æternæ decus immortale iuuentæ,
 Purpureos vultus: teneris gratissima vernat
 Forma genis: primâ croceas lanugine malas
 Signauit geminata Charis: quam liuida nunquam
 Canities timidâ possit violare pruina
 Adstringit pretio tellus Marcotis auito.
 Baccatam circum gemmantia tempora frondem:
 Regius illuxit vestis nitor: aurea latè
 Purpura Cæsareo radios effundit amictu.
 Ante triumphali multum sudata labori
 Dona iacent, pictæque togæ, cinctusque decori
 Sceptraque, vittatæque mitræ, bifidæque tiaræ,
 Cæteraque infomni quæ sita insignia curâ.

PAVLVS RADZISZEWSKI.

*Mnemosyne una è regio HONORIS comitatu, me-
 rita Illustrum virorum HONORI relegit.*

POne latus cinxere Dæ, quas Regia magni
 Numinis augustæ complexa penatibus aulæ.
 Nobilibus sedis, pulchroque enutrijt æuo.
 Altera Letheis nunquam tentata procellis
 Mnemosyne, croceo flauentes imbre capillos
 Casta que Pieriis irrorat tempora guttis.
 Sedula transacti reuoluto stamine pensi
 Dextera, marmoreis labentia tempora chartis
 Cælabat, memori que viros condebat in auro.

Seu

Seu pietas æquata polo, seu nescia frangi
 Integritas, sanctique tenax custodia iuris:
 Seu patriæ dilecta quies, studiumque togatæ
 Pacis, & ignavos contrà defensa tumultus
 Relligio secura sui: seu nota Gradiuo
 Certatisque diu virtus exercita bellis.
 Seu priuata fides, & certi tutus amoris
 Vfus, & armatæ non impar ciuica laudi,
 Exposcit tacitâ meritorum præmia linguâ.

GASPAR WOIAKOWSKI,

*Illustrissimi HENRICI FIRLEY merita Mne-
 mosyne paucis in memoriam reducit HONORI.*

TVq; adeò magnum FIRLEIO è sanguine germen,
 Cui sublime genus titulis illustribus æquat,
 Par meritis fortuna tuis; iam sæpe notari
 Dignus, honoratas implèsti nomine ceras.
 Nec latuit mens illa Deam, cui publica laudem
 Fama dedit; quanquam meliorum diues honorum
 Copia, fumoso non ambitiosa paratu,
 Aut mendicatâ famulantum ingloria linguâ
 Sed proprijs animosa bonis, immotaque vulgi
 Plausibus, ipsa tuos commendat honoribus annos,
 Et caput hoc primis memorat creuisse tiaris.
 Scilicet occiduas latè quæsita per oras
 Cognato spectata diu sapientia coelo,
 Plenaque canities animi: cui prima senectus
 Submisit recline genu, magnumque loquendi
 Pondus, & illimi dulcis facundia riuo,
 Digna Palatinum moderari voce senatum
 Pleraque librato virtus examine; qualem
 Nec pretiosa fames, nec cæco prodiga luxu
 Dextra velit, pietasque sacris obnoxia curis

Et consanguineâ suppar consurgere mitrâ,
Illustrem trabeamque humeris capitiq̃ue tiaram
Poscebant, meritaq̃ue diu iam voce manebant.

STANISLAVS RADWANSKI.

*Perennitas Regium HONORIS latus alterâ ex
parte cingit, cui viros honoratos in fastos referre pro officio incumbit.*

Altera perpetuo non intercisa rotatu
Æra trahit; facilisque grauem deducere textum,
Æternaturis connectit secula filis,
Sola sepulchrales inter secura ruinas,
Emeritam turpi potuit subducere letho
Virtutem, aduersisque viros defendere fatis.
Nec labor est vnus. longum memoranda per æuum
Nomina, cælestes animas; quas purior æui
Pars aluit, meliorque dies felicibus auris
Nutrijt; & toto voluit clarescere coelo;
Seu pulchrum comitata genus. seu robore virtus
Nixa suo, seu prona auido fortuna labori.
Eripuit letho, tenebrisque, & vindice dextrâ.
Ferales populata domos, tristesque recessus.
Æternis iussit felices viuere fastis
Victrici rapidum flamma tenuante metallum.
Lucida collegit pretiosas bractea chartas;
Vndique Erythræis defenditur aurea gemmis
Pagina: cælestem graphio conchylia rorem.
Approperant: liquidis consurgit litera stellis.

ANDREAS de Plezewice FREDRO.

*Ilustres & honorati omnium gentium viri in Fastos
Honoris relati à perennitate, immortalitate nominis fruuntur.*

Hic Reges, regnoque pares, hic Dardana virtus,
Albaniq̃ue

Albaniq̃ue Patres & auitæ lumina Romæ:
Hic Latij Tyrijq̃ue Duces: hîc Annibal Alpes
Diuidit: hic celerem cunctatur Maximus hostem
Hic Macedo densis felicia prælia regnis
Certaq̃ue securo dispensat bella triumpho:
Hic Catilinæos Româ nutante tumultus
Exturbat dominæ victrix opulencia linguæ:
Hic taciti claudit ciuilia limina Iani
Impositis orbi felix regnator habenis:
Hic Gallus Rhœtusq̃ue ferox: hic tristis Iberus
Illustres miratur auos: hic Cimbrica tellus.
Conspicuum patrijs numerat virtutibus æuum.

STEPHANVS de Hodnowice FREDRO.

*Polonia procures Reges aliq̃ d perennitate æternum
memorantur.*

NEc super inuecto tantum trepidantia Phæbo
Climata solerti lustrat Dea prouida vultu
Arctœas exosa plagas, canamq̃ue Bootæ
Dedignata domum: memorat non inuida priscos
Sarmatiæ Patres, gelidoq̃ue è sanguine pulchram
Progeniem, fortemq̃ue Lechum, patriaq̃ue superbum
Vrbe Cracum, Piastumq̃ue æui melioris alumnum
Felicemq̃ue Chrabrum, domito quem cernuus Albis
Amnetulit, teque innumeros Criuouste per annos
Bella triumphali solitum decurrere plausu:
Tequoq̃ue cui tenues Virtus infusa per artus
Regalem clausit populari in corpore mentem
Exili contenta domo, paruisq̃ue recepta
Postibus, edomito victrices Teutone lauros
Emeritum, primisq̃ue parem clarere triumphis:
Cæteraq̃ue Arctœo late spectata Trioni
Lumina, permistos Procures, galeæq̃ue coronam
Regiaq̃ue innocuis diademata iuncta Tiaris

C

Campa-

Campestresque Duces, Castellanumque Senatum
Dissimili virtute viros, pariterque rogata
Cara Deæ, pariter studijs asperrima belli
Pectora. Censentur longis ex ordine ceris
Felices animæ, & merita iam laude fruuntur.
Voluit opus virgo docili cui mille perennant
Seclâ manu, pulchrumque oculis solertibus aurum.
Decurrit, priscisque novos compaginat annos
Aut memorat clarum laudatis Patribus ævum.

CONSTANTINVS NARAIOWSKI.

Felicitas Russæ in Regiam Honoris pervenit.

FIRLEIOS interim perennitas celebrabat.

Forte autem tacito cum festa palatia gressu
Virgo Rossiacæ felix prænuntia terræ
Officio Themidis subijt, penitisque recepta
Sedibus augustum propior suspexit HONOREM.
Nympha perennanti connectens sæcula ductu.
FIRLEIOS (Lechicis semper venerabile terris
Nomen) honorato memorabat sedula cantu
Seu quos humanis immiscet gloria rebus:
Seu quos mortali Lethea obliuio vitæ
Eripit: æterno melius tutatur in auro
Fama recens: viuit magnis Gens inclyta fastis
Bellorum pacisque decus: laudata perennat
Magnorum virtus post sæcula mille parentum
Augustam deuota inter Pallatia lucem
Emeritis impertit HONOS.

STANISLAVS de Pleszowice FREDRO.

*Nonnulli è FIRLEIA Familia illustres bello ac
pace viri immortalitatem consecuti in Fastis recensentur.*

Principumque viri. Securius aui

Olim mortales isthuc OSTASIVS annos
Transtulit, æternâ meritis clarescere pennâ
Hic fortunatis, victor Mæoticus armis

STANI.

STANISLAVS canitur, quem Lublinsia circum
 Culmina Tartaricâ vidêre in cæde calentem
 Barbaricique inter stagnantes sanguinis vndas
 Immensum magnâ pelagus virtute ruentem :
 Hic PETRVS, veteris quo non seruantior æqui
 Slauini quisquam tenuit vestigia iuris.
 Ipsa viri fertur primam excoluisse iuuentam
 Iustitia, & prisco laudatas Iudicæ leges
 Securo posuisse sinu, iamque arma minaci
 Vibrantem dextrâ, ad prisca subsellia Lechi.
 In patriam reuocasse forum : hic Mauorte secundo
 Belliger Euxinos admittit ductor in hostes.
 Inuisoque lauat Sokalica rura cruore.
 Atque alter cui læta suum victoria nomen
 Commodat, Ausonio magnum Cicerone senatum
 Bullatique implet par Tullius agmina Campi:
 Hic fortunatum felici è sanguine germen
 Andreamque Petrumque aliosque illustra coelo
 Nomina, cognatæ tot propugnacula paci
 Æternis mandat virtus sublimior annis.

IOANNES de Pleszowice FREDRO.

*Perennitas FIRLEIÆ Familis Honores in fastis
 descriptos evoluit.*

PRIMA Deæ cura est summos euoluere honores,
 Totaque congestis meritorum præmia donis,
 FIRLEIANORVM monumenta æterna laborum.
 Et memorat virgo magnæ decora ardua Gentis
 Plena Leonteo radiare insignia Pardo,
 Æquatamque domum superis, nullisque secundam
 Gentibus, augusto tantum concedere sceptro.
 Cantatur variatus Honor. sic ordine lento
 Felix decurrit trabeatæ lumina Pompæ.

IACOBVS à Koniecpole KONIECPOLSKI.

C 2

Abau

Abavi Illustrissimi Antistitis Honores ac virtutes decantat è fastis perennitas, quæ Principi Castellano, ac inprimis summo Regni Exercituum Duci Victoris de Crucigeri ac Moscho illustri dedit immortalitatem.

NICOLAUS FIRLEY
PALATINVS SENDOMIRIENSIS.

Deinde

CASTELLANVS GRACOVIENTIS
SVPRMVSEXERCITVVM REGNI
IMPERATOR. &c. &c.

Emeritus virtute decus.

*Huc ô seueris nata laboribus
Formosa virtus, cui decus arduum
Fascesq; pacatq; mitra
Virgineâ famulantur aulâ;*

*Exurge tensis viuida brachiis,
Armata ferro. qualis in hostium
Assueta victrices phalangas
Belligerâ glomerare dextrâ.*

*Qualem rubenti Thracius alueo
Miratur Ister, vel Lybiâ vagus
Neptunus, Ægeaq; verso
Thermopyle stupere ponto.*

*Talem paterni sanguinis impiger
Dextrâ prehendit iam docili puer
FIRLEIVS, & promptam iuuenta
Belligeris redamavit annis.*

*Illum & retorti seuæ Borysthenis
Longè refusis vorticibus vada
Dunq; Moschæq; Volgæ
Eligide timuere ripæ.*

Et inuidendis ditior alueis
 Regnator alma Vandalus Istula
 Canisq̃ montosum pruinis
 Littus, Hyperboreâq̃ Tethys.
 Grandæua brumâ vidit & vuidum
 Pacata vultum (quem trepidis diu
 Defessa merentem procellis
 Puluereâ quatefecit undâ.)
 Totis reductas Nereides vadis
 Collegit alto, pronâq̃ fluctibus
 Letas adorantum choreas
 Ceruleo prior egit orbe.
 Dum perduelles magnus in hospites
 Impendet ultor, sæpe rebellibus
 Extremus, infidoq̃ summâ
 Teutonide metuendus irâ.
 Tandem cruentis languida cadibus
 Sceptro superbum Prussia verticem
 Submisit, & longa labantem
 Perfidiâ, dubiamq̃ bellis
 Proiecit iram. Qua faciles dedit
 FIRLEIA virtus. Lechiadæ vias
 Perrupit aeternum laborem
 Imperiis animosa pubes
 Armata totis mania rupibus
 Egere turres, & grauis arcium
 Lorua, ferratæq̃ portæ
 In patrias rediere glebas.

At non cruento tristis in otio
 Belli potentem sustinuit virum.
 Moschea FIRLEIO prementi
 Terga dedit, timidosq; cedi.
 Obiecit ausus, ceu grauis impetu
 Altum inuosis turgidus Alpibus,
 Sylvasq; stagnantesq; circum
 Eridanus populatus agros
 Urget refusus oppida copiis,
 Retrò secutus terga fugacium
 Vastator, undosaq; certâ
 Approperat sine lege mortes.
 STEPHANVS. MALYNSKI.

Proauum Illustrissimi Præsulis Palatinum Russiæ eius
 terra propugnaculum, Prussiâ pacatâ memorandum perennitas se-
 cula commendatum canit.

PETRVS FIRLEY NICOLAI F.
 TERRARVM RVSSIAE PALATINVS, &c. &c.
 Nescia Fama mori.

Non te Synadio leuis
 Victurum memorat gloria marmore
 Lentis obsita seculis
 Ludunt in stabilem marmora gloriam
 Te calo meritum super
 Aeternum facili praeuehit aethere
 Magni conscia sanguinis
 Virtus, & dubiis nota periculis
 Aeterna pietas fide
 FIRLEIS pietas amula patribus.
 Illa & consilij potens
 Nutantem dubio iure Borussiam

Et sce-

Et sceptri refugum genus
 Frenat belligeri legibus imperi
 Et promptâ facilis manu
 Insedit patriæ limina Rossia
 Alti mœnia pectoris
 Opponi rapidis impigra Tauricis
 Non si barbaricis Getes
 Horrendum lituis increpuit Tyram
 Securo refugus pede
 Triuit flauicomæ rura Pocucia
 Non retro spolijs grauem
 Agresti sonipes restituit plagæ
 FIRLEIAM trepidus manum
 Inuiso metuit tutius otio.
 Tum plenos reflui sinus
 Implerunt auidis fontibus alueos
 Læto mellea gurgite
 Vndarunt tacitis flumina vallibus
 Tunc & gramineum Ceres
 Exexit facili iugere verticem
 Et dura impatiens manus
 Læta promicuit messe beatior
 Tunc & pax & Amoenitas
 Inuexere auidis gaudia ciuibus.

IOANNES FERDINANDVS de Mirovv Myszkovvski.

Auum Illustrissimi Antistitis sua ac Filiorum digni-
 tate celeberrimum, illustribus legationibus ad Carolum inprimis V.
 & fide à Bogdano Valachia Palatino accepta clarum perennitatis me-
 moria mortalitati eximit.

IOANNES FIRLEY PETRI F.
 PALATINVS CRACOVIE NSIS
 SVPREMVS CVRIÆ REGNI MARESCHALCVS
 GENERALIS CAPITANEVS CRACOVIE N.
 MAGNORVM SENATORVM
 NICOLAI PALATINI CRAC. &c.

ANDREAE CASTELLANI RADOMIEN. &c.
IOANNIS CASTELLANI WOYNICEN. &c.
PETRI PALATINI LVBLINEN. &c.
HENRICI ARCHIEPISCOPI ET PRIMATIS.
FELIX PATER.

Post Fata superstes.

*Caruli virgo per amœna campi
Lata felices renouare lusus
Qua leuis prono Zephyrus maritat
Otia somno.*

*I per immensi vaga regna cœli
I per auratam spatiosa zonam
Ocyor pulchras moderare cursu
Præpete pennas.*

*Thespio voces aciente plectro
Differ æterna meritum Thalia
Qua serenatum docilis recurrit
Cynthius orbem.*

*Differ annoso memorem Bootæ,
Horridas tristi glacie pruinas
Vltra, & Arctoi metuenda Lechi
Regna IOANNEM.*

*Notus assætam tibi Dacus aulam
Pandit, & Lecho facilis Cradiuo
Gallus, & longè grauis inquieto
Cimbria bello.*

*Suada facundæ generosa lingua
Sæpe Germano memorata Rheno
Lene demulsit socio Latinum*

Teutone sceptrum.

Ad Carol. V.

Legatus, &

ad exigendum

à Bodgano Va-

lach. iuramen-

tum missus.

Arma FIRLEIA veneranda dextra

Cernuo vidit coluisse vultu

Prona cognati dubium Palati

Dacia Regem.

*Lator vasti superet Canopi
Fervidos Soles, & Eoa Serum
Regna, & immiti trepidam Leonis
Verberet terram.*

*Digna semotos agat inter annos
Seculum virtus, meritaq; laudis
Diues, effuso geminum recurso
Impleat orbem*

*Caritas pulchrae studiosa pacis
Patriis longè memoranda terris
Vivit, & lento Pietas, Fidesq;
Dedita sceptro.*

*Nec suis tantum meritis superstes
Claudit angusto decus omne campo:
Vivit in magnos generosa virtus
Fusa nepotes.*

GABRIEL ZAIACZKOWSKI

*Patri Filius non degener domi forisq; de patria bene me-
ritum, Patruus Illustriss: Praefulus à perennitate taceri non potest. Lau-
datur digna laudari virtus.*

NICOLAVS FIRLEY IOANNIS F.
REFERENDARIVS REGNI

Dein

PALATINVS CRACOVIE.
PATREM FILIVS SECVTVS.

Cognatum Decurrit iter,

ET te paternis viuida laudibus

Alto parantem vela Fauonio

Implere, cognatum decoro

Urget iter properare passu

FIRLEIA virtus. I licet ocyus

Non vile nomen sanguinis inclyti

Da vela ventis, & paternum

Accelera trabeis laborem.

D

Nunquam

Nunquam receptis segnis honoribus
 Deperdit ævum, dum varium decus
 Paterq³ magnorumq³ longè
 Exstimulat series auroꝝ.
 Iam letus armis Odrysias premit
 Victor phalangās: iam refugos mari
 Gothos fatigat, Moschuamq³
 Præ gelidis agit acer Arcti,
 At non quieti prodigus otij
 Bellæ tantum prælia Bistone
 Desudat & pacem togatæ
 Consilijs moderatur aula
 Non parvus hæres. impigra ciuibus
 Curas reclinat supplicibus fides
 Tutorq³ submittit laborem
 Magnificum pietas clienti
 Ultrapaternis iam titulis parem
 Virtus auitis æmula honoribus
 Inuitat, agnatæ q³ reddit
 Emeritum trabeata sella.

NICOLAUS MODZELOWSKI.

Fortunatus sua virtute Heros moderationis exemplum
 reliquit posteris, utili Theſaurarij officio, ultro in Regias manus deposti-
 to: Fortunatus Pater Filio Illustriſſ. Antistite vivit Perennitati me-
 moratus.

IOANNES FIRLEY IOANNIS F.
 CASTELLANVS WOYNICEN.
 REGNI THESAVRARIVS. &c.

Terris laudatus & Astris.

Non otiosis imbuit ceris genus
 Æterna FIRLEIS domus
 Nec immerentes sanguinis pingit notas
 Pater labanti Filio.
 Virtutis hæres nascitur Patri nepos
 FIRLEIIVS FIRLEIIO.

Magnum IOANNES patrij decus Lechi
 Donat IOANNEM patriæ
 Non ille tardis arduum vestigiis
 Molitur ad cœlos iter ;
 Nec mutuata lentus insistit viâ
 Paruas Honorum semitas
 Labore magnum ducit empturum decus
 Cognata FIRLEIVM via.
 Quâ purpuratos miscuit Diuis Patres
 Non parca virtus sanguinis ,
 Per & madentes hostico tabo plagas
 Circum fremente barbaro
 Per & curules calle FIRLEIO gradus
 Prona fauente Gloria
 Ite ô decora laudis æternæ seges
 Perennitatis Filij ,
 Fugaciumque præter annorum choros
 Volatilesque mensium
 Præter cohortes, ite victuri polo
 Magni Senatus Concili
 Tuque ô decora laudis æternæ seges
 Germana proles gloriæ
 Scriberis altos inter æternus Patres
 Cœli perenni marmore
 Affine Pardis astriger tergus Leo
 Tuis reclinat laudibus ,
 Nouumque rebus, prouidumque consili
 Pleno refingit sydere
 Fugax honori peruio, & cupidini
 Inuicta virtus aureæ
 Non inuidendis gemmeum electrum poli
 Signauit astrorum notis.

Vipis perenne Filius Patri decus:

Viues perennis FILIO.

HIERONYMVS de Dembiany DEMBINSKI.

*Magnum Illustriss. gentis decus Regni Polonia primum
Principem dignum olim Regia Henrici Regis dextera leuari è sacro
fonte perennitas prædicat.*

HENRICVS FIRLEY IOANNIS F.
REFERENDARIVS

^{tum}
PROCANCELLARIVS REGNI.

^{Hinc}
EPISCOPVS PLOCENSIS.

^{Demum}
ARCHIEPISCOPVS GNESNENSIS LEGATVS
NATVS, R. P. PRIMAS PRIMVSQ. PRINCEPS,

Quod potuit tibi terra dedit.

Non viles animas, nec popularia

Inuito canimus nomina Pythio

— Vulgarem renuit tendere barbiton

Canit gloria temporis

Henricum Lechicæ lumen adoreæ

Aeternis memorem secula posteris

Ereptum refugo dicite Cynthio

Iam calo & Superis parem

Olli Sydoniæ vellera fasciæ

Aspersit croceo lene rosario

Nascentiq; super lilia gemmeis

Infudit calathis HONOR

Inter sceptrigeræ brachia purpuræ

Regali mēritum ludere dextera

Auro nobilium roscidus imbrum

Intexit pretio potus.

Caram luminibus Deliis viridis

Prædam gemmiferi depluit æquoris

Eoq; avidum Nereæ littore

Luētari lachrymis dedit.

*Iam tunc & Pietas & roseus Pudor
Et virtus animis viua coloribus,
Riserunt pueri lucida seriis
Incunabula Gratijs.*

*Quæ circum Lechicis nata trionibus
Bellacem volitat, Gloria cardinem
Fertur magnanimo non pueriliter
Tunc alludere paruulo*

*Cum lenis tacitis Vandalus alueis
Implentem volucris verba Fauonio
Auditor subiit ponè sequacium
Lato marmure Naidum*

*O dextris genitus cœlitibus puer!
O magna genitus Paruule gloriæ!
Cresces o Lechicæ sydus adorea
Cresces lux noua Patriæ.*

*Iam te propitiis, dixit, Honoribus.
Fortuna famula cingere dextera
Virtus & meritis inclyta fascibus*

*FIRLEIA appropinquat Domus.
Hinc circum trabeas, hinc bifidum decus
Eois madidas imbribus infulas
Hinc lunata crucis sydera & igneis
Gemmatum radiis pedum.*

*Paruâ iam facilis prendere dextera
Hæc inter tenero luseris otio
Olim cum Latio, notus & Imperi.
Spectatus Patribus redux*

*Optanti referes munera patriæ
Quæsitis melius tuta laboribus
Vltro iam trabeas iam tibi principes
Verax destinat Infulas.*

ANDRÉAS TRZCINSKI.

Dum Perennitas Firleiorum Honores canit, labor tiaram mirè elaboratam, ac pictis Premisliensium Prasulum intertextam stemmatis sui operis pensum Honori offert.

INterea læto rorantia tempora circum
Irriguus sudore labor. cui viuuda presso
Dextera duratur callo sed frontis honestæ
Integritas magnos aditus, sceptrisque superbum
Limen & augusti pandit secreta palati;
Adstitit & fului radijs lunata tiaræ
Sydera gemmatum pretio dextraque politum
Artis opus magno pronus submitit Honori.
Chrysolitis latè rutiloque adamante superbit
Pulcher apex, geminamq; attolit vertice Phæben
Pendula luminibus pretiosi copia roris
Conniuet dubijque ardent indagine soles
Auratum riuis animata coloribus orbem
Astra tegunt laterique hærent hic Portitor anni
Floriferis Aries permiscet vellera stellis
Pictaque flauicomo vincitur fascia nodo
Stellatusque Leo magni formosa Laboris
Gloria flauenti dispergit sydera tergo.

STANISLAUS ZGORZELSKI.

Cui tam elaborata Tiara deferenda sit senatu ab Honore habito deliberatur Vocantur in Concilium Fortuna Nobilitas Virtus & Gratia.

IPse decus miratur honos lætaque reuoluens
Pensa manu tanto gemmantia lumina cultu
Cui ferat ignota versat sub pectore cura
Affinesque Deas vocat agnatique senatus
Concilium. FORTUNA alio iam tutior orbe
Et picturata late circumflua Luna
NOBILITAS VIRTVSq; animi secura virilis
Gratiaque emeritis non dedignata vocari
Confidunt tectis radiantibus incipit ille.

Non

Non hæc præcipiti ferri temeraria dextra
Dona libet. multo luctantia munera Phæbo
Cernitis atque ipsum decori colludere cælum
Vos agite & vestro non ignorata labori
Nomina & æternam faciles decurrere vitam
Ferte viros dabitur merces præclara merenti.

STANISLAUS LAPINSKI.

*Vnanimi consensu ac votis concordibus senatus omnis
deferendam HENRICO FIRLET Tiaram censet lubens votis
Honor annuit atq. ita decernit.*

HÆc paucis effatus HONOR. cum protinus vni
HENRICO vox vna studet. FORTVNA paratus
Magnificos, patriæque innoxia flumina gazæ
NOBILITAS sublime genus longeque parentum
Illustres trabeas, coniuratumque sequenti.
Posteritate decus: memorat decora omnia VIRTVS
Pectoris augusti: meritis impendit honorem
GRATIA. non vlli tantum sperata Dearum
Affuit optatis vnquam concordia votis
Arrisit formosus HONOR latumque renidens
Viue ait, ô nostros felix aditure penates
HENRICE atque olim melius victurus in vnum
Muneribus consuesce meis.

STANISLAUS DVNIKOWSKI.

*Mittitur ales Regius cum Tiara ad Illustriss: HEN-
RICVM applaudit nouis titulis Honoris aula.*

Fronte re percussum radiis vibrantibus ignem
Syderea latè effudit formosior aula
Aligeroque simul felicia iussa ministro
Binaque lunatæ commendat sydera mitræ
Ibis ait: Lechico visurus frigida cœlo
Regna, Lycaonioque rigentia climata plaustro

D. 4

Cogna-

Cognatas nido & pullis regalibus oras
 FIRLEIA Mque Domum pridemq; adamata reuises
 Limina, gemmatique decus crinale tiaræ
 HENRICO referes. Facilis mandata capeſſit
 Ales, & Eois pennas diffunditur Euriſ
 Perſonat interea felicibus aula triumphis
 HENRICVM chorus omnis amat; plenoq; refundit
 FIRLEIVM vox vna ſono FIRLEIA creſcunt
 Nomina, & æternos cumulant illuſtrius annos
 lamque decus creſcit decori. noua gloria ſaſtis
 Additur, æternum HENRICVS victurus in æuum.
 FRANCISCVS DYDINSKI.

Inter Honoratos Procereſ Illuſtriſſime familie nouum
reſertur decus nouus Antiſteſ dudum iam æuum emeritus & æterni-
tatem cui delatus honor ad maiores praludit.
 HENRICVS FIRLEY IOANNIS II. F.
 REFERENDARIVS REGNI

inde
 EPISCOPVS primùm PREMISLIENSIS

O quis & quantus?
 In ſaſis ac votis omnium!
 Meritis maiora parantur.

Quis tam reſuſas æquoribus vias
Deſiderati nauita littoriſ

Securus immanem procaci
Oceanum peragrarẽ cymbâ

Feſtinet? cheu pone rebellium
Minax procellarum Aeolus obuiſ

Impendet antenniſ & alto
Indocilem reuocare lembum

Minatur. ô qui Pegafeas leuiſ
Inſcendiſ vndaſ, cum citbaræ procul

Arguta maturat canoriſ
Aura ſuper volitare ventiſ.

Huc

Hūc tende velox transtra loquacibus
 Vrgere remis, hic liquido patet
 Famaq; virtutumq; latē
 Alluio pretiosa Ponto
FIR LEIA magni sanguinis indoles
 Succreuit alto. iam patrias simul
 HENRICVS & terris refusas
 Ingenij properante vena
 Decurrit oras, Piërium celer
 Inuectus æquor, sedulus amnium
 Collector, immensus reductis
 In patriam rediturus undis
 Laboriosis ditior alueis
 Alto timendos purpureo sinus
 Impleuit ignarus procellæ
 Et profugo reuerendus Euro.
 Gratis supinat littoribus viam
 Regnator alti Magnus, & hospitem
 Mirata virtutem receptis
 Nobilior colit aula donis.
 Quātus reclusis eloquio ostiis
 Gratū seueris influit auribus!
 Quantus laborantem clientum
 Et populi metuentis undam
 Subduxit Euris mitis & Africo!
 Quātus beatæ flumine copię
 Exundat aris! & minores
 Largifluo tegit amne terras!
 Iam peruicaces Æolidum potens
 Sedare turbas & rapidam Noti
 Frenare securus procellam
 Sub geminam pia terga proram

E

Lætus

Lætus recina. Te patriis cupit
Defessa curis Lechis, & anxia
Pacemq; legesq; & salutem
In dociles tibi credit Vlnas
Te restitutis Relligio admouet,
Amata sacris: Te superum fides
Custodem & æterni patronum
Iuris amat, stygiumq; iussit
Frenare crimen. Tu faciles subi
HENRICE puppes. *Hic tibi principes*
Olim renascentur tiaræ
Et patriæ decus omne mitra.
Aequata virtus sanguinis inclyti
FIRLEIIANIS *urget honoribus*
HENRICVS *Henricū sequentem*
In Lechicum vocat ire Nidum.

STANISLAVS à Szepanovvo SCZEPANOWSKI.

Felicitas Russie his ita acceptis, in Regia honoris ad Ros-
siam reuertit nuntium optatissimum defert Rossia inde noua & insignis
letitia oritur.

Regius emeritos Ales maturat honores
HENRICO celeresque secat non impiger auras
 Pone secuturis festinat Rossica pennis
 Regalem virgo propius comitata ministrum:
 Obuia materno properanti Rossia vultu
 Arridet, reducemque oculis festiua salutat
 Vt certa promissa fide securaque tandem
 Nuntia, & augusti mandata accepit Honoris
 Ter lætum increpuit ter amœnum ad sydera vultum
 Sustulit, optatisque applausit seria votis
 Mater, & ô nostræ (dixit) pars maxima curæ
 Inclyta belligeri studiis Premissia Lechi
 O quod propitiis maturant sydus ab astris

Fata

Fata tibi! quantum parua decus accipis aula
Sis felix, tantoque imple mea gaudia fructu
Dixit, & ipsa nouo subito iuuenescere cultu
Visa simul, niueamque genis prætere lucem
Alludit spes certa oculis. FIRLEIA renident
Protinus, heroesque aspergunt lumina soles

STEPHANVS POGROSZEWSKI.

Ad Illustriss: ac Reuerendissimum
PRÆSVLEM,
CONCLUSIO.

*In Tua cum vellet nostras præconia Musas
Cogere Thespiaca doctus Apollo lyra,
Eribuere Dea tacitisq; silentia plectris,
Et mute lentas detinuere fides
Scilicet immenso patuit Tua gloria campo,
Gloria Smyrneam tangere digna chelym
Hic celo sublime genus, magnusq; Parentum
Sanguis, & eterna lumina mille Domus:
Hic animi pleno sapientia culta paratu,
Eloquio facilis, consilioq; potens.
Hic pietas equata polis, interq; tiaras
Illustri virtus irradiata mitrâ.
Non ea tam leuibus ludenda est gloria Musis,
Non immaturâ deproperanda chely.
Ite tamen, dixit, facilesq; in carmina chordas,
Atq; operi tenues appropriate fides.*

*Ludite, dum magna Presul preludit honori
Dum teneris vernat prima tiara comis.
Cum plenos meritis implêrit honoribus annos,
Maturam dederit seria Musa chelym.
Ite licet. facilem sporget clementia frontem
Presulis, & placidis gratia fixa oculis.
Aut si confertos latè indignetur honores
Imparibus, tantum deproperasse modis:
Non vitium plectri est: hec est Tua gloria Presul:
Nulla equat tantum, dicite Musa decus.*

IOANNES ROMER.



CRACOVIAE,

In Officina Typographica Francisci Cæsarij,
Anno Domini, 1632.

J. xxiii.



